

理藩院則例



理藩院則例

錄勲清吏司下

一會盟

國初定。每會設盟長一人。各於所屬三年一次會盟。清理刑名。編審丁籍。○又定。會集不到者。王等罰馬二十匹。扎薩克貝勒貝子公等十五匹。台吉塔布囊等十匹。以充公用。逾期者。王以下各按日罰馬。○又定。會盟出征圍獵等事。不候衆先回者。王罰馬十匹。扎薩克貝勒貝子公等七匹。台吉塔布囊等五匹。隨從人。罰取所騎之



馬。○順治九年題準。會盟

勅書。由內閣撰書。○康熙八年題準。會盟未至。及因
事傳召不到者。都統罰馬五匹。副都統。四匹。叅
領。三匹。佐領。二匹。驍騎校。一匹。領催罰驢牛一
頭。什長罰犛牛一頭。至而逾期者。都統罰馬四
匹。副都統。三匹。叅領。二匹。佐領。一匹。驍騎校。罰
驢牛一頭。領催罰犛牛一頭。什長鞭二十七。如
八旗游牧總管。及索倫總管。不齊集。不如期至
者。照蒙古部落副都統例。游牧副管。索倫副管。
照蒙古部落叅領例。佐領。驍騎校。領催。什長。悉

照蒙古部落佐領驍騎校。領催。什長例。分別罰
懲。○十三年定。每年春季。扎薩克王貝勒貝子
公台吉等。各將旗下台吉兵丁會集一處。令其
修理器械。聽盟長驗看操演。○又題準。內外各
扎薩克旗分。每年十月一班。十二月一班。每旗
各差一人。於盟長處聽候。○十七年題準。遣往
會盟大臣。將領侍衛內大臣。內大臣。散秩大臣。
上三旗一等待衛。八旗都統。副都統。前鋒護軍
統領。各部滿尚書。左都御史。副都御史。內閣學
士。通政使。大理卿。暨本院堂官。職名開列。請

旨簡用。其隨往官員。除本院司官筆帖式外。仍選刑部司官一人。筆帖式一人。隨往。○又題準。奉文會盟。王貝勒貝子公台吉。無論管旗不管旗。但不至者。均罰俸六月。無俸之台吉。及至而逾期之王公等。仍照舊例罰馬。○又題準。凡會盟及圍場軍營等處。歸時不候衆先回者。不論管旗不管旗。王貝勒貝子公台吉等。均罰俸三月。無俸之台吉。及隨從之人。仍照舊罰馬。○雍正六年定。內扎薩克及喀爾喀之扎薩克等。每會著選一人為副盟長。協同盟長辦事。

一六會防秋。科爾沁六旗。扎賴特旗。杜爾伯特旗。郭爾羅斯二旗。共十旗。於哲里穆地方為一會。喀喇沁三旗。土默特二旗。共五旗。於卓索圖地方為一會。敖漢旗。翁牛特二旗。奈曼旗。巴林二旗。扎魯特二旗。阿祿科爾沁旗。克西克騰旗。喀爾喀左翼旗。共十一旗。於召烏達地方為一會。烏朱穆秦二旗。蒿齊忒二旗。蘇尼特二旗。阿霸垓二旗。阿霸哈納爾二旗。共十旗。於錫林郭爾地方為一會。四子部落旗。吳喇忒三旗。毛明安旗。喀爾喀右翼旗。共六旗。於烏藍察布地方

為一會。鄂爾多斯七旗。於伊克召地方為一會。
○乾隆二年議奏。內扎薩克六會防秋兵丁。各
備牧馬。於每年六月。該盟長扎薩克等。齊備軍
器兵馬。於七月初旬。由京師差遣大臣司官。前
往察閱。將六會分為二班。錫林郭爾。烏藍察布。
伊克召。三會為一班。哲里穆。召烏達。卓索圖。三
會為一班。各以扎薩克為盟長。各於會內均
齊豫備。自明歲起。每班各遣大臣一人。司官一
人。乘驛前往。會同該盟長。至扎薩克等處。按旗
察看。奉

旨。內扎薩克防備牧馬之兵。甚屬緊要。今年即遣大
臣察看。○三年奉
旨。內扎薩克六會防備牧馬之兵。每年遣大臣察閱。
今既連閱二年。三四年之後。宜加恩蒙古等。如何
賞給之處。軍機大臣議奏。欽此。遵

旨議準。恭按

聖祖仁皇帝每年施

恩賞給哨圍蒙古扎薩克官兵。王貝勒貝子公扎薩克
台吉等。皆按爵秩。賞給衣服鞞帶佩刀弓矢撒
袋等物。台吉塔布囊官員等。各賞給大段一疋。

驍騎校。各賞給彭段一疋。兵丁。各賞給銀三兩。或六兩不等。今六會輪行。衣服刀矢等物。既難遠攜。應將領兵之王等三人。各賞立蟒段一疋。襪蟒段一疋。大段四疋。貝勒三人。貝子一人。公二人。各賞立蟒段或襪蟒段一疋。大段三疋。協理台吉塔布囊十有七人。各賞大段一疋。官用段二疋。閒散台吉塔布囊二十七人。各賞大段一疋。官用段一疋。管旗都統副都統二十二。各賞官用段一疋。驍騎校六十五人。各賞彭段一疋。兵丁萬一千人。各賞銀三兩。應於乾隆五

年遣大臣察看之時。帶往賞給。○五年奉

旨。內扎薩克六會防備兵丁。一連三年察閱。防備操演甚善。此次朕施恩賞賚。嗣後停止。每年遣大臣前往。間二三年後。著理藩院奏請。爾等委出王貝勒台吉官員。明白降旨。體朕撫卹伊等之至意。各將本會兵丁。仍不時操演。

一會盟儀注。凡會盟。讞獄等事。

制書用寶。所遣之大臣齋往。至蒙古邊界。守邊人偵探。詢明大臣職名。即赴各該王貝勒等處稟告。該王貝勒等。於五里外迎接。眾皆下馬排立。於

道右跪候

制書過。隨後乘馬行。

欽差大臣在左。迎接之王貝勒等在右。迎至駐劄處。於正中設香案。奉差大臣恭奉

制書。安置案上。立於左。面右。該王貝勒等行一跪三叩禮。畢。跪。奉差大臣自案奉

制書。交筆帖式宣讀。讀畢。奉差大臣奉

制書。仍安案上。王貝勒等復行一跪三叩禮。奉差大

臣自案奉

制書。授王貝勒等。王貝勒等跪受。授伊屬官。行三叩

禮。興。付掌收

制書之人。王貝勒等與奉差大臣。彼此各行兩跪兩叩禮。畢。虛中。奉差大臣居左。王貝勒等居右。列坐。

一軍律。

國初定。委令出兵規避者。王等罰馬百匹。扎薩克貝勒貝子公。七十匹。台吉。五十匹。所屬全旗均不往者。按軍法治罪。違期約一日不至者。王。罰馬十匹。扎薩克貝勒貝子公。七匹。台吉。五匹。遲誤數日。按日倍罰。○又定。出征。將官馬騎瘦者。

王。罰馬三十匹。扎薩克貝勒貝子公。二十匹。台吉。十匹。○又定。擅殺降人隱匿者。王等罰十戶。扎薩克貝勒貝子公。七戶。台吉。五戶。被人首告者。王。罰馬十匹。扎薩克貝勒貝子公。七匹。台吉。五匹。給出首人。令赴願往旗分。其為首殺人者。斬。仍罰牲畜三九。餘人免死。罰三九。均給與降人所投之。王貝勒等。若所投未定。則以一半給出首人。餘入官。○又定。凡鄰旗有警。而不率所屬甲兵。速集議征者。王。罰馬百匹。扎薩克貝勒貝子。公。七十匹。台吉。五十匹。○順治三年題準。

若得出征人遺失馬駝各物及逃人者。皆收養送還。隱匿不送者以盜論。○十三年題準。蒙古王貝勒貝子公台吉等。遇敵交鋒。他旗敗遁。一旗王貝勒等力戰。有裨於他旗者。將敗遁旗分之。王貝勒貝子公台吉。各撤出一佐領人丁。給與力戰之旗。他旗皆戰。一旗敗遁者。將一旗之。王貝勒貝子公台吉。草去爵秩。廢為庶人。所有佐領人丁。盡籍沒。分給他旗之力戰者。若一旗之內。一半攻戰。一半戰卻。將戰卻之。王貝勒貝子公台吉。草去爵秩。廢為庶人。所有佐領人丁。

盡籍沒。給與本旗之力戰者。如一旗內半旗無計前進。半旗攻戰敗卻。將收卻之王貝勒貝子公台吉。草去爵秩。廢為庶人。所有佐領人丁。盡籍沒。給與本旗無罪之王貝勒等。并賞給王貝勒等之力戰者。若各旗未及整備。而一旗之王貝勒貝子公台吉。獨能豫備攻戰者。按其功之大小。獲之多寡。分別賞給。庶人敗陣者斬。將妻子畜產籍沒。或台吉或庶人先入敗敵者賞。凡曠野交戰。王貝勒貝子公等及領兵官弁。不按隊伍。輕入敵陣。或見敵兵單少。不行問明。擅自

奔馳者。將所乘之馬。并此次所獲人口。概行入官。凡列陣攻戰時。須從容縱馬。各按隊伍前進。若不按隊伍前進。尾附他隊。或離本伍入他伍。或他隊皆進。立視不前者。各按所犯。治以籍沒草罰之罪。罪重者斬。凡隊伍排齊之後。勿得稍前稍後。如敵未接戰而敗。令強騎勁兵追北。追時。王貝勒都統等勿得在前領轟。編隊隨踪而逐。追兵遇伏。散追。遇衝。王貝勒都統等接戰。起兵時。各按轟結隊而行。如三三兩兩。前後亂行。回取什物。及酒醉喧譁爭鬪者。隨見隨懲。夜間

勿得高呼。勿得鳴螺。仍各將條誡紀律。申諭所管兵隊。其有一二人離隊行走者。拏送該旗王貝勒都統處。罰驢牛一頭。行兵之際。有一二人離伍搶掠被害者。將妻子入官。該管官治罪。失火者斬。不許拆毀廟宇。不許妄殺平人。抗拒者擊。投順者撫。其俘獲之人。勿得剝取衣服。拆散夫婦。至不堪俘獲者。亦勿得傷害。剝取衣服。俘獲之人。勿令看守馬匹。凡出征王貝勒等。務平定地方。救濟生民。嚴禁官兵不許搶掠。不許陷害良民。平定之日。升賞。若縱兵搶掠。指民為賊。

妄行殺戮者。從重治罪。與敵人合戰時。有將墮馬之人救出。與以馬騎者。係公以下。副都統以上。酬馬十匹。叅領輕車都尉以下。六匹。庶人。二匹。均於墮馬人名下取給。○康熙十三年定。扎薩克王貝勒等。不整理軍器。至期會之處。察出何旗兵丁器械殘毀惡劣。即將本旗該管扎薩克。罰俸六月。台吉之兵丁人等器械殘毀惡劣。罰牲畜五。其盔尾甲背無名牌。軍器自馬絆以上無名牌者。罰牲畜三。馬不烙印不拴名牌者。罰犄牛一頭。梅針大箭。兔叉。髀頭上無名字者。

罰糝牛一頭。各給犖獲之人。○又題準。官員擅殺投降人者。為首絞。餘人草職。罰三九。○十五年題準。差出從征官員規避者。草職。罰三九。交與該管王等。仍令充兵。押赴出征。領催兵丁人等。鞭一百。仍遣往軍前。○又定。軍兵有犯邊者。王貝勒貝子公台吉等。無論管旗。不管旗。各將戶口收斂。一面率領合屬兵丁。速赴侵犯之處。一面行文鄰近旗分。即領兵公同救援。齊集後共商進討。若於侵犯之處不速赴集。及鄰近旗分之王等奉調不即領兵赴援者。皆草職。○又

定。凡奉差出兵之王扎薩克王貝勒貝子公台吉等。不親身前往者。草職。仍令從軍。不全將旗人帶往者。以軍法論。於所期約地方。一日不到者。罰俸三月。二三日不到者。六月。四日不到者。九月。五日以上者。一年。○又定。奉文出兵。將官馬騎瘦者。王貝勒貝子公台吉。無論管旗。不管旗。皆罰俸六月。無俸之台吉。仍照舊例。罰馬十匹。

一製買騎仗。順治七年題準。蒙古人偷賣馬匹。被人執送者。以其半給執送之人。○康熙二年

題準。蒙古人買軍器帶往者。令扎薩克王貝勒
貝子公等。詳開某佐領下某人。買何器械。數目
若干。具文。差官報院。不差官不詳開者。不準給
出口信票。○五年題準。擅以甲冑弓矢軍器。賣
與喀爾喀厄魯特等。及給親戚者。王。罰馬百匹。
貝勒貝子公。七十匹。台吉。五十匹。再蒙古人來
京。不呈明本院。私買軍器帶回者。王等。罰三九。
台吉。都統副都統。叅領佐領。護衛官員。皆罰一
九。庶人。鞭八十。○十一年題準。蒙古王貝勒貝
子公等。欲向歸化城買馬駝者。報院轉奏請

旨。本院給印文令往。不得擅行。○十二年題準。公主
郡主王貝勒額駙等。向歸化城買馬駝者。將差
往人數報院題明。不得多差。○又定。內外扎薩
克蒙古等。甲冑弓矢軍器。不準賣與鄂羅斯厄
魯特。倘有違禁私行售賣。及送給親戚者。或被
拏獲。或被首告。無論管旗不管旗。王貝勒貝子
公扎薩克台吉等。皆罰俸一年。無俸之台吉。罰
馬五十匹。庶人犯者。為首絞監候。家產牲畜。盡
行籍沒。為從鞭一百。罰三九牲畜。所籍沒畜產
及罰取牲畜。均賞給拏獲首告之人。如係奴僕

首告家主者。將首告之奴僕開戶。聽其擇主。○
雍正十年定。內外扎薩克等滋生壯丁。編設佐
領。或修補損壞器械。該扎薩克具保。用印文來
京。製買軍器。所買之物不多者。本院即給與信
票。令其帶往出口。若所製軍器多至成具者。本
院請

旨。令其製買。○乾隆六年議準。嗣後各扎薩克有
印文來買軍器者。酌量該旗佐領。預行具奏。給
票。將所買之數覈對。若已足該旗佐領需用之
數。暫不準買。至於實不堪用之時。具文再買。如

原未買足。或察閱軍器大臣。令其改換。亦著具
印文買補。甲冑弓撒袋。刀槍。過二十副。烏鎗。過
十桿。硝硫黃。過三十斤。箭。過千枝者。皆為成具。
請

旨之後。給與出口信票。不及前數者。由院行文兵部
給票。若各扎薩克製買本身需用之物。除烏鎗
硝硫黃等物外。弓矢刀勿得禁。○又定。製買軍
器。浮於票數。或浮於入邊原數。被獲者。不論管
旗。不管旗。王貝勒貝子公扎薩克台吉等。皆罰
俸六月。閒散台吉管旗都統以下。驍騎校以上。

罰牲畜一九。庶人鞭八十。將多帶之軍器入官。一優卹。康熙十九年題準。蒙古四等台吉以上。遣往統兵陣亡者。照都統例給陣亡優卹銀。其餘官兵陣亡。傷殘病故。應賞卹銀。均照內例給與。

一比丁。

國初定。蒙古壯丁。年六十歲以下。十八歲以上者。皆編入丁冊。有疾者除之。每三丁共一驍騎。遇有出征等事。以二丁差遣。一丁留家。○又定。蒙古壯丁。三年一次編審。有隱匿者。將所隱之丁

入官。隱至十戶者。管旗王貝勒等。按罰一戶。出首人。令改附願往旗分。○順治四年題準。審丁時數目開載不全。後雖聲明。仍以隱丁論。○十二年題準。首隱丁者。準在編審之年首告。越二三年後首告者不準。○康熙五年題準。蒙古編審丁冊。照戶部例詳開具題。○十三年題準。蒙古各扎薩克。三年一次編審壯丁。如有隱匿。將所隱之丁。仍造入丁冊。隱至十人者。將管旗之王貝勒等。各罰俸三月。都統副都統罰三九。叅領佐領罰二九。驍騎校罰一九。均給與首告人。

領催什長各鞭八十。誣告隱丁者。鞭一百。罰三九。○又定。歸化城等處。無王貝勒管旗。如有隱丁者。都統副都統各罰牲畜五九。叅領罰三九。佐領革職。罰二九。驍騎校革職。罰一九。均給與首告人。首告人及所隱之丁。仍各留舊佐領。若所隱之丁。係蒙古家奴。賞給兩旗內官員為奴。○十八年題準。出首隱丁之子弟。在所隱內者。均準於旗內聽所欲往。○二十二年題準。屬下奴僕出首本主隱丁者。照例於旗內聽所欲往。擇主。若出首他人。不許出戶。仍將所罰牲畜給

與。○二十九年覆準。比丁之年。傳示四十九旗。著該管王貝勒都統以下。什長以上。按佐領察覈。分戶比丁。造具丁數印冊。令協理旗務台吉會同都統送院。限十月內齎到。○又覆準。遇比丁之年。索倫等處人丁。亦照四十九旗之例。察明造冊。令總管送院。於十月內齎到。○四十四年覆準。嗣後出首隱丁之人。照例準其出戶。令於貧窮之台吉內擇主。○雍正元年

諭。八旗察哈爾三年比丁。亦照外藩例。交與總管等。詳察明白。將比過丁數。各造冊送該旗都統。欽此。

一隨丁。順治五年題準。蒙古親王。給壯丁六十。郡王。五十。貝勒。四十。貝子。三十五。公。三十。固倫額駙。四十。和碩額駙。三十。多羅額駙。二十。以供役使。○九年題準。蒙古台吉及喀喇沁土默特塔布囊一等者。給壯丁十五。二等。十二。三等。八。四等。四。○康熙三年題準。蒙古都統。給壯丁四名。副都統。二。均於本旗內選給。叅領佐領。各一。均於本佐領內選給。○又定。都統副都統叅領佐領等。係所屬人內補授者。照例給與隨丁。以供役使。若由台吉塔布囊內補授者。本身既有

隨丁。不必重給。○十一年題準。額駙等所役兵丁。雖額駙身故。亦不得裁汰。○四十四年覆準。定例台吉等各。有隨從附丁。既令遴選台吉等補授都統佐領等職。仍將台吉等原有附丁隨侍行走。嗣後不得更以驍騎為從役。

一陪嫁。順治初年定。蒙古親王之女。照內親王之女。郡主陪嫁。除乳母夫婦外。侍女八人。閒散五戶。郡王之女。照內郡王之女。縣主陪送。除乳母夫婦外。侍女七人。閒散四戶。貝勒之女。照內貝勒之女。郡君陪送。除乳母夫婦外。侍女六人。

間散三戶。貝子之女。照內貝子之女。縣君陪送。除乳母夫婦外。侍女五人。間散兩戶。鎮國公之女。照內鎮國公之女。鄉君陪送。除乳母夫婦外。侍女四人。間散兩戶。輔國公之女。照內輔國公之女。鄉君陪送。除乳母夫婦外。侍女三人。間散兩戶。台吉塔布囊之女。照內鎮國將軍輔國將軍之女陪送。屬下人不得過一對。家下人不得過三對。再台吉塔布囊等嫁女。既受有聘禮。不可比照內鎮國將軍輔國將軍之例。不陪侍女。應增侍女二人。以上陪嫁人數。或無力從減。及

乳母夫婦可否陪嫁之處。各聽其便。○康熙二十一年題準。公主郡主等陪嫁人。許其守墓。及補護衛。並間散使令。不得充補驍騎。

一守墓。順治九年題準。蒙古親王。守墓人十戶。郡王。八戶。固倫公主。與郡王同。貝勒。貝子。各六戶。和碩公主。郡主。均與貝勒同。鎮國公。輔國公。各四戶。郡君。與鎮國公同。縣君。鄉君。與其夫同。其大臣護衛。及曾經出征効力之人。不許守墓。一族長。康熙四十四年覆準。蒙古台吉等不立族長。無所統屬。應每族各設族長。稽察本族內

酌酒行兇等事。

一什長。

國初定。蒙古地方。每十家設立一長。令其稽察約束。如不設立什長。該王罰馬十匹。扎薩克貝勒貝子公等。七匹。台吉五匹。○又定。不設立什長者。扎薩克王貝勒貝子公台吉等。各罰俸三月。○乾隆十三年議準。蒙古地方。民人寄居者。日益繁多。賢愚難辨。應令差往之司官及該同知通判。各將所屬民人。逐一稽考數目。擇其良善者。立為鄉長。總甲。牌頭。專司稽察。遇有踪跡可

疑之人。報官究治。遞回原籍。該司官同知通判。每年於春秋二季。將所屬民人姓名。造成一簿。並飭取其鄉長。總甲。牌頭。各無容留匪類。甘結存案。此內有作姦犯科之人。視其所犯輕重。將鄉長等分別治罪。其托名傭工之外來民人。一概逐回。如實係親戚骨肉倚賴為生者。即取其容留之人甘結。後有過犯。一并治罪。○又議準。蒙古民人。借耕種為由。互相容留。恐滋事端。嗣後蒙古部內所有民人。民人村中所有蒙古。各將彼此附近地畝。照數換給。令各歸其地。此內

惟土默特貝子喀喇沁郡王喀喇沁貝子扎薩克塔布囊等四旗民人雜處已久。一時難以分移。應令扎薩克會同司官同知通判等漸次清理。○又議準喀喇沁三旗自康熙年間呈請內地民人前往種地。每年由戶部給與印票八百張。逐年換給。見今民人前往者衆。此項印票竟成具文。應行停止。嗣後責令司官暨同知通判等。察明種地民人確實姓名。見在住址。及種地若干。一戶幾口。詳細開注。給與印票。貿易民人。亦一例察給。仍令鄉長總甲牌頭等。於年終將

人口增減之數。報官察覈。換給印票。
一立嗣。

國初定蒙古人無子者。將所有家產給本土。○順治十五年題準。蒙古人身歿無子者。令其兄弟承受家產。○十八年定。蒙古人恐身後無嗣。於身在時。具保呈明該扎薩克王貝勒貝子公等。將族中兄弟之子撫養為嗣者。準其承受家產。如抱養遺失之子。及異姓之子。家奴之子。均不準承受家產。若身在時並無養子者。將家產令其族人承受。倘族中並無兄弟之子。身在時。曾

呈明該旗。收養異姓之子為嗣者。亦準其承受家產。若身故後。同姓中尚有可繼之人。而其妻收養異姓之子為嗣者。不準承受家產。再正妻無子。將妾所生之子養為己子者。其生子之妾。不得嫁賣。嫁賣者。其子不得為嗣。若身故之後。既無近族。又無養子。將家產交與該旗王貝勒等。以充公用。○又定。蒙古人之嗣。有欲收養他人之子為嗣者。並令呈報該旗王貝勒及都統等。注冊。準其收養。仍造入本旗本佐領下丁冊。倘不行呈報。擅自收養者。即將所養子撤出。交

回本家。

一婚姻。

國初定。蒙古庶人結婚聘禮。給馬五。牛五。羊五十。踰數多給者。入官。聘定後。婿故全還。女故還半。如聘定之女。其婿憎嫌不取者。不還聘禮。○又定。蒙古人結親行聘者。改為馬二。牛二。羊二十。不得多給。違者。將多給之牲畜罰取入官。少給者勿禁。若聘定之後。其婿病故。將所給牲畜退回男家。其女故者。給還一半。如女家欲退還。其婿不願收回者。聽再男女婚姻。各有其時。如議

定之女。男家遲延不娶。致及笄未嫁者。聽女家於願婚處別嫁。○順治十四年題準。凡出妻。其陪嫁之物已經用完者。不準賠償。見存什物。盡給該婦收回。○康熙十八年題準。台吉塔布囊等。擅與喀爾喀厄魯特結婚。姻來往者。革去爵秩。不準承襲。所屬人全給其近族兄弟。除妻子外。家產牲畜皆入官。所屬人隨往者。各鞭一百。罰牲畜三九。將所屬人之女遣令隨嫁。女之父。不向扎薩克王貝勒處呈明者。鞭一百。所遣送嫁屬人。不自呈明者。亦鞭一百。失察之斥堠官。

革職。籍其家。兵丁鞭一百。罰三九。若將所遣送家人。誤以為逃人解院者。扎薩克王等。罰牲畜五九。○二十二年題準。王以下。至閒散蒙古。違禁與喀爾喀厄魯特唐古忒巴爾虎等貿易。結親者。照定例治罪。其四十九旗協理旗務人等。及歸化城二旗都統。至閒散蒙古。量其品級治罪。歸化城都統副都統。管理索倫總管等。各罰馬五十匹。副管等各罰五九。均入官。佐領以下。至領催什長等有犯。均照蒙古例治罪。○又定。王貝勒貝子公台吉等聘定之婦。有乘閒謀娶。

及女家悔婚別嫁者。係王各罰十戶。貝勒貝子公。七戶。台吉。五戶。聽原聘之夫家簡取。不論已未成婚。並將其婦離異。給與本夫。○又定。蒙古人將他人聘定之婦乘間謀娶。或女家悔婚別嫁者。係官。罰三九牲畜。常人。罰一九。仍將其婦離異。給與本夫。將所罰牲畜。一并給與。○又定。凡內地民人。出口於蒙古地方貿易耕種。不得娶蒙古婦女為妻。倘私相嫁娶。察出。將所娶之婦離異。給還母家。私娶之民。照內地例治罪。知情主婚。及說合之蒙古人等。各罰牲畜一九。

一徵收。順治初年定。蒙古王台吉等每年徵收所屬。有五牛以上。及有羊二十者。並準取一羊。有羊四十者。準取二羊。雖有餘畜。不得增取。有二羊者。準取米六鍋。有一羊者。準取米一鍋。其進貢會盟游牧嫁娶等事。視所屬至百戶以上者。準於什長處取一牛一馬之車。有三乳牛以上者。準取乳油一肘。有五乳牛以上者。準取乳酒一餅。有百羊以上者。準增取種一條。濫徵者罪之。○雍正六年議準。歸化城徵收貿易馬畜稅銀。自康熙五十四年。經議政大臣議令歸化

城三站每季買馬十五匹。備用軍需。俟告竣之時。將用過稅銀。覈實報銷。計自康熙五十五年。至雍正二年。共買過馬三百有七匹。用過銀二千二百七十八兩有奇。合算相符。應準題銷。再此項徵收稅銀。自康熙四十二年。始有案可稽。自四十二年。至雍正五年。共收過銀二萬二千五百五十四兩有奇。除買馬用過銀二千二百七十八兩外。應存銀萬七千九百七十五兩四錢有奇。皆因修理倉廩。文廟。教場。橋梁。渡船。買給站丁。蒙古帳房。應付厄魯特等廩。給羊隻。并製辦

駝。麻。繩。紙。張。等項用去。除照冊覈銷外。嗣後每年所收稅銀。買用物件。均合時價製辦。不得浮冒。仍照前將一年所收若干。用過若干之處。造具四柱清冊報銷。

一田宅。順治七年題準。外藩蒙古。每十有五丁。給地廣一里。縱二百里。○乾隆十三年議準。民人所典蒙古地畝。應計所典年分。以次給還原主。土默特貝子旗下。有地千六百四十三頃三十畝。喀喇沁貝子旗下。有地四百頃八十畝。喀喇沁扎薩克塔布囊旗下。有地四百三十一頃

八十畝。其餘旗下。均無民典之地。以上地畝。皆係蒙古之地。不可令民占耕。應令扎薩克等察明某人之地。典與某人。得銀若干。限定幾年。詳造清冊。送該同知通判辦理。照從前歸化城土默特蒙古撤回地畝之例。價在百兩以下。典種五年以上者。令再種一年。撤回。如未滿五年者。仍令民人耕種。俟屆五年。再行撤回。二百兩以下者。再令種三年。俟年滿撤回。均給還業主。○又議準。民人在蒙古地方租種地畝。賃住房屋。務令照原議數目。納租交價。倘恃強拖欠。或經

扎薩克行追。或經業主房主舉告。差往之司官及同知通判等。即為承催。欠至三年者。即將所種之地。所賃之房。撤回。別行召租。○又議準。蒙古台吉塔布囊官員喇嘛。皆稱殷實。惟在下兵丁貧乏者多。此等殷實之人。每倚恃己力。將旗下公地。令民人開墾。有自數十頃至數百頃之多。占據取租者。是以無力蒙古。愈致困窮。應於殷實之扎薩克台布塔布囊官員。公主郡主等陪嫁內監。及番僧等地內。酌撥三分之一。各與本旗窮苦蒙古耕種。仍量其家口多寡。分給地

畝。並將撥出數目。造冊報院。嗣後仍有開墾旗
下公地。強霸窮人地畝者。從重治罪。○十四年
覆準。喀喇沁土默特教漢翁牛特等旗。除見存
民人外。嗣後毋許再行容留民人。增墾地畝。及
將地畝典給民人。其如何委官巡察等事。由院
間年一次。簡選才能司官二人。自次年為始。將
喀喇沁土默特等旗分為兩路。馳驛前往。會同
該同知通判。並駐劄辦理蒙古民人事務之官
巡察。該扎薩克蒙古等若再圖利。容留民人開
墾地畝。及將地畝典給民人者。照隱匿逃人例。

罰俸一年。都統副都統。罰三九。佐領驍騎校。皆
革職。罰三九。領催什長等。鞭一百。其容留居住
開墾地畝典地之人。亦鞭一百。罰三九。所罰牲
畜。賞給本旗効力之人。並將所墾所典之地撤
出。給與本旗無地之窮苦蒙古。其開墾地畝以
及典地之民人。交該地方官從重治罪。遞回原
籍。該管同知通判。交該部察議。其八旗游牧察
哈爾種地居住民人。亦交與稽察喀喇沁等處
官員。會同各該總管。及各該同知通判等。一并
稽察。若有容留增墾地畝。及典與民人等事。即

將墾種典地之蒙古民人等。交與該總管嚴行治罪。民人遞回原籍。其並不實力稽察之該管官。亦一體交部議處。○十八年覆準。圍場內增設兵丁。賞給官房地畝。免其納糧。每兵丁一名。賞給地一頃二十畝。令其耕種度日。○又覆準。圍場地方。新增駐防兵丁內。多呼岱口。後興安等處。地冷霜早。耕種無益。應將鑲黃正黃正紅三旗兵丁。改賞牲畜。每兵丁一名。給乳牛三頭。每乳牛三十頭。各給犍牛一頭。羊三十隻。令其永遠孳生。以資養贍。

一游牧

國初定。越境游牧者。王。罰馬十匹。扎薩克貝勒貝子公。七匹。台吉五匹。庶人。罰牛一頭。○又定。越自己所分地界。肆行游牧者。王。罰馬百匹。扎薩克貝勒貝子公。七十匹。台吉五十匹。庶人犯者。本身及家產。均罰取。賞給見證人。○康熙元年題準。各部蒙古。不得越旗畋獵。○十九年題準。蒙古扎薩克王貝勒貝子公台吉等。有因本旗地方無草。欲移住相近旗分及卡倫內者。於七月內來請。由院委官踏勘。勘實準行。若所居地

方生草茂盛。甚於所請之處者。將妄請之扎薩克議處。至他月來請者概不準。○四十七年覆準。鄂爾多斯貝勒所屬蒙古人等游牧地少。嗣後於黃河西河之間。柳延河之西。所有柳墾。剛柳墾。房墾。西墾。均以西臺爲界。自西臺之外。插漢拖輝處。暫許蒙古游牧。至寧夏平羅營一帶地方人民。原於插漢拖輝採取柴薪令。限一月內採取五次。其採取時給與號牌。著人監管。來往之人。并令該地方官嚴察。○五十一年議準。插漢拖輝地方。前於四十七年。暫給蒙古游牧。

今居民不便耕耨。若久雜處。必至爭訟。嗣後以黃河爲界。永禁游牧。○雍正五年議定。越自己所分疆界。肆行游牧者。王貝勒貝子公台吉等。無論管旗不管旗。均罰俸一年。無俸之台吉及庶人犯者。仍照舊例罰取牲畜。

一斤墩。康熙十三年題準。蒙古汎地。各設卡倫。以資防守。若有空誤卡倫者。佐領革職。罰三九。驍騎校革職。罰二九。兵丁鞭一百。如擅離汎地。佐領驍騎校皆革職。兵丁鞭八十。本身器械闕少者。佐領驍騎校各罰二九。兵丁鞭八十。佐領驍騎校失察。

本卡倫人闕少器械者各罰一九○十五年題準。賊入卡倫竊盜牲畜追賊被殺同往兵丁退縮不戰者各鞭一百罰三九牲畜給被殺人妻子○二十年題準在卡倫叅領不發遣兵丁各防汎地及佐領驍騎校不在各汎地擅往叅領處同住或在汎地而馬匹被盜者叅領佐領皆革職罰三九驍騎校革職罰二九領催兵丁鞭八十巡邏兵丁鞭一百○二十九年覆準卡倫接連邊外方得整齊除索倫達虎里五卡倫相連不必那移外杜爾伯特郭爾羅斯二旗卡倫原設

哈達雅地方與默爾根村莊相近應移於席令吉齊河山頂安設其扎賴特三卡倫亦近索倫游牧之處應將東頭卡倫移於柴河北山頂安設中卡倫移於伊罕克勒河山頂安設西卡倫移於庫呼勒齊山頂安設至科爾沁三卡倫坐落內地與各處寫遠應將東卡倫移於哈布齊河山頂安設中卡倫移於納哈拜齊扎爾漢山頂安設西卡倫移於哈嘛爾口北山頂安設○四十四年題準自歸化城至殺虎口方二百里前經安設六處卡倫今按殺虎口歸化城之間

有東西兩路東路嶺隘河多雨雪時行走甚難應將所設六卡倫撤去西路平穩應於東爾昆東口安設二十戶為驛再額倫布塔處將土默特人安設二十戶喀拉巴拉克郎孫處將鑲藍旗游牧察哈爾人安設二十戶共六十戶委官三人令其管轄往還巡察以便公差

一防察順治七年題準蒙古人出境必向本旗都統稟明違者將失察之都統副都統叅領佐領什長一并議處○雍正六年定蒙古王貝勒貝子等有前往五臺山誦經禮拜者隨往之人王不得

過八十人貝勒貝子不得過六十人均照例給與進口印票○又定內外各扎薩克蒙古皆令由山海關喜峯口古北口獨石口張家口殺虎口出入關口時均告明該管官弁詳記人數出關口時仍令察對原數放出若有置買物件報院轉行兵部給與出邊執照除此六邊口外別處邊口不準行走

一捕逃

國初定外藩逃人被獲者罰逃人之主一牛給挈獲之人逃人鞭一百窩隱逃人者罰牲畜一九

給逃人之主。窩主之什長。罰牲畜一九。給逃人之什長。○又定。外藩蒙古全旗逃者。不拘鄰近與否。即刻往追。以軍法從事。若王等不追者。罰馬百匹。扎薩克貝勒貝子公。七十匹。台吉。五十匹。○又定。王貝勒等。遇有他處逃來之人。於二日內。將爲首逃來者解院。若過二日。王。罰馬十匹。兼扎薩克貝勒貝子。七匹。貝勒貝子。五匹。○又定。帶弓矢逃者。二十人以下。止令本旗追捕。二十人以上。並令鄰旗扎薩克王貝勒等。量逃人多寡。備馬匹行糧。窮其所往。若不緊追。王。罰

馬二十匹。貝勒貝子公。十五匹。台吉。十匹。中道而返者。爲首。罰牲畜一九。餘各罰五頭。匿逃不速題報者。王。罰馬十匹。貝子貝勒公。七匹。台吉。五匹。○又定。見逃故縱者。王等。罰十戶。扎薩克貝勒貝子公。罰七戶。台吉。罰五戶。庶人。罰牲畜三九。○又定。卡倫官兵。踈縱逃犯。及追趕不力者。佐領。罰三九。驍騎校。二九。均草職。領催。草役。鞭一百。罰牲畜五。驍騎校。鞭一百。○又定。凡捕逃人。與逃人鬪死者。逃人如有奴僕。償還一人。並罰給牲畜三九。○又定。蒙古買人出邊者。永

行禁止○順治五年題準蒙古王貝勒等所屬
人有私來內地者一概發還○又議準食俸之
扎薩克王貝勒貝子公等失察窩留逃人者罰
俸一年○又題準蒙古地方有流離散失游食
餬口賣身年久之踈遠族人懇求歸宗者均不
準行倘於住久之旗逃赴別旗即著逐回別旗
不即逐回者照窩逃論逃人亦鞭一百仍回原
住之旗○康熙五年題準他處逃來之人至各
卡倫者卡倫人即送至所投王貝勒處○又題
準與逃人鬪死者逃人如無奴僕向逃人原主

扎薩克王貝勒等取三九賞給○十六年題準
追殺率先逃走之人即以其人家產牲畜給之
不更給賞如逃人無畜產可給者卡倫佐領賞
給蟒段緣領段袍一件段三疋布二十疋驍騎
校賞給糴段緣領段袍一件段二疋布十有五
疋驍騎賞給段一疋布十疋○又定他處逃來
之人不於二日內解院者王貝勒貝子公台吉
等皆罰俸三月無俸者仍照例罰馬○十三年
題準出卡倫逃往外國之人如追時不曾抗拒
者被獲之日將爲首一人斬餘絞若持兵抗拒

皆斬逃往外國被送。曾拒捕傷人者。斬。未傷人者。鞭一百。交還原主。逃而未傷人。自還者。免罪。交原主。○二十六年覆準。蒙古四十九旗及索倫達虎里等。將內地民人及滿洲家下逃人窩留。以爲奴僕子孫妻妾者甚多。嗣後蒙古等雇內地民人耕種之處。永行禁止。凡邊外生事流民及旗下家奴逃人。交與各該管扎薩克各旗佐領。不時嚴加緝捕送院。照例從重治罪。窩留內地逃民之窩主。係官。革職。鞭一百。罰三九。閒散。鞭一百。亦罰三九。將此所罰牲畜。均給拏獲

之人。若該扎薩克所管人等不加嚴察。經院察出。或被旁人出首。將窩隱正犯。照例治罪。出首之人。係奴僕。開爲正戶。係閒散人。從窩主罰出牲畜三九。給與。失察之該扎薩克及協理旗務台吉等。均罰牲畜九九。都統副都統叅領等。罰五九。佐領驍騎校皆革職。罰三九。均入官。領催什長等。各鞭一百。○三十二年覆準。鄂羅斯尼卜楚城守尉送回逃人二名。著理藩院行文嘉獎。並咨黑龍江將軍。嗣後有伊處逃人潛住索倫等處者。察出。奏

聞遣回○又覆準凡無票私自出口之民被獲杖一百其妻及未分居之子安插山海關外遼陽等處○五十一年覆準喀爾喀因前噶爾丹之亂矢散人口若於會集處未經收回之人離居已久均在各旗分編佐領載入丁冊難以給還嗣後有懇請歸族等事概不準行如從久住地方逃往別處者追回照逃人例治罪有不追回隱匿者照隱匿逃人律治罪曉諭八旗內外衆扎薩克八旗游牧察哈爾各旗下永著爲例○又覆準鄂爾多斯六旗內有賣去壯丁附丁及驍

騎人口逃散餬口者甚多委官察明果係棄賣逃亡是實該管王貝勒貝子等罰俸三年協理台吉等罰三九都統副都統等罰二九其前未協理旗務至補授後不察明呈報之台吉等罰一九本旗未賣人丁聽屬下逃散不能收養者貝勒罰俸年半協理台吉等罰二九都統副都統罰一九其擅賣人丁之台吉罰二九台吉已故者其妻罰一九擅賣人丁之驍騎校鞭一百驍騎校已故其妻罰牲畜五若買主有籍貫姓名者行文該管扎薩克及地方官追還人丁交

該旗收領。不給原價。無籍貫姓名者。行文內扎薩克衆喀爾喀及沿邊神木等處。概行嚴察。限一年送還。如一年內不能察交。或被告發。將該管扎薩克官員等治罪。其察出送還者。該旗收領。行文報院。嗣後各旗養育人丁。不時嚴察。若再有賣去壯丁及逃散人口者。將該扎薩克經管之人。皆從重治罪。

一驛站。康熙二十八年題準。殺虎口距歸化城二百餘里。驛站勞苦。原設胡齊特口之四十戶驛站。與鑲藍旗甚近。殊屬無用。應移在歸化城

中間酌量安設。○三十一年

諭。蒙古各旗按地方形勢。動用部帑。設立驛站。中間相去百里。將貧人給與役食。應差。俟年例朝覲。王等來時。議奏。欽此。遵

旨。議準。各蒙古地方。各應安設驛站。以便公務。除二土默特。奈曼。喀爾喀。左翼。科爾沁。二郡王等六旗。由山海關邊外行走。二郭爾羅斯。杜爾伯特等三旗。在黑龍江大路。此九旗無庸安設驛站外。自喜峯口至扎賴特。十九旗。爲一路。計程千六百餘里。見有管城二驛。除此二百里。應安設十

四驛自古北口至烏朱穆秦七旗爲一路計程九百餘里有鞍子村江鄉十八里臺諸驛除此三百里應安設六驛自獨石口至蒿齊忒七旗爲一路計程六百餘里應安設六驛自張家口至四子部落五旗爲一路計程五百餘里應安設五驛又自張家口至歸化城六旗計程六百餘里應安設六驛仍爲張家口一路自殺虎口至吳喇忒七旗爲一路計程九百餘里見有二驛除此二百里應安設七驛又自歸化城至鄂爾多斯六旗計程八百餘里應安設八驛仍爲

殺虎口一路各路驛站均於水泉形勢之處安設○雍正六年議準自張家口以至歸化城前因噶爾丹之役設立庾吉昭化塔拉布拉克穆海圖和林草兒等五站今應裁汰一切文移交軍臺遞送○乾隆十四年

諭哨鹿圍場邊口設有蒙古驛站穿行圍場之地不無驚擾牲畜此等驛站原爲遞送院文於扎薩克而設無甚緊要事件若移設圍場之外不過繞道一二日應於圍場外何處設立察明議奏欽此遵旨議準五十家驛站移於圍場界外妹兒嶺東溝安

設此內有伊等原種地畝。應指定地方。照數撥給。毋許容留民人。令伊等自行墾種。一驛官。康熙三十一年議準。喜峯口。古北口。獨石口。張家口。殺虎口等五路。每路設管驛蒙古員外郎一人。令各掌關防。與在京員外郎一體較俸升轉。每路設筆帖式二人。八年期滿更替。照常給與俸祿。每驛設領催一人。凡管驛各官。若有侵欺怠玩。以及驛馬損傷者。題叅治罪。○三十二年覆準。喜峯口。獨石口。張家口。殺虎口驛站。前因未設專管之人。暫令關口守備把總

等管理。今每路各設專官。凡蒙古往來事件。應專委辦理。以歸畫一。惟古北口一路。更覺緊要。已特設管站同知一人。嗣後驛務。著該管員外郎與同知會同辦理。○五十八年。裁張家口。滿洲筆帖式二人。設蒙古筆帖式一人。專司臺站文移案件。○六十年題準。自屯兵以來。驛站勞苦。恐蒙古力不能勝。貽誤事機。特簡大臣一人。總統驛站。○雍正四年議準。驛站員外郎。所管皆係蒙古。從前皆由各部院司官內選除。嗣後應由本院選賢能司官補授。○五年議準。殺虎

口獨石口兩路筆帖式。亦照張家口之例。各專設蒙古筆帖式一人。○七年。裁古北口驛站筆帖式一人。○十二年議定。張家口等五邊管驛站官員闕。於雍正四年。改從本院司官內簡選遣往。若將賢能之人選委。則本院辦理緊要差務。人不敷用。若將尋常之人委往。又與驛站無益。應將五路管驛站員外郎。均定為三年一換。再張家口。古北口。殺虎口。獨石口。四驛。各委筆帖式一人。惟喜峯口筆帖式二人。應裁去一人。以歸畫一。此項委往之筆帖式。亦定為三年更

換。倘員外郎筆帖式同屆應換之期。俟新任員外郎任事一年後。再將筆帖式更換。

一驛丁。康熙三十一年議準。喜峯口一路。除舊有二驛外。置驛丁六百名。古北口一路。除舊有三驛外。置驛丁三百名。獨石口一路。置驛丁四百五十名。張家口兩路并為一路。共置驛丁五百五十名。殺虎口兩路并為一路。共置驛丁七百五十名。均於各路窮戶內擇其強健者選補。每丁各給乳牛五頭。羊三十隻。以資養贍。○三十五年定。驛丁為盜。除照例治罪外。管驛官罰

牲畜一九。驍騎校罰一五。領催鞭八十。○雍正六年議準。裁汰廣吉。昭化。塔拉。布拉克。穆海圖。和林。草兒等五處驛站。其驛丁五十名。仍令各該扎薩克收回。

一驛馬。康熙三十一年議準。喜峯口等五路。每驛置驛馬五十匹。每馬各給價銀五兩。每驛給馬價銀二百五十兩。蒙古地方水草滋盛。不必再給草料。每年惟給與倒斃馬價銀百二十五兩。視原額以一半為度。仍將買補數目造冊報院。○三十二年覆準。蒙古驛站向未設車。恐誤

公事。應於喜峯口一路設五車。古北等口四路各設二車。其駕車馬匹。於額設驛馬內選用。車價照兵部買車例給發。○三十八年覆準。蒙古驛遞。差事漸少。積年所定倒斃馬二十五匹。給價百二十五兩。未免過多。應裁減六匹。以十有九匹為度。原定馬價五兩。應加給一兩五錢。以六兩五錢計算。嗣後各驛。每年定例斃馬十九匹。各給銀百二十三兩五錢。照例買補。造冊報院。○六十年題準。蒙古驛站。自屯兵以來。傳報公務。押送軍餉。火藥錢糧。器械農具等項。及押

解發遣人犯。護送投順人等。接連馳驛。甚屬勞頓。此次特簡大臣。總統驛站。令其督率管驛各官。按驛巡察。如有闕少馬匹。損傷牲畜。將管站官所領倒斃馬價銀。交與衆扎薩克。速為買補。再支庫銀萬兩。付簡任之大臣齎往。如額數仍闕。即動此項銀買補足額。務令驛站整齊。勿致疲敝。○雍正六年議準。軍臺驛站馬匹倒斃。原定四分。應裁減二分。作為二分倒斃。原定駝一匹。給價銀三十兩。亦應裁半。定價銀十有五兩。○又議準。自頭站察罕托羅海。至十站卓哈諾爾。

圖。所有從前支給五十匹馬之空草錢糧。應移咨直隸總督裁除。○又議準。裁汰庾吉。昭化塔拉。布拉克。穆海圖。和林草兒等五處驛站。所有馬匹。應歸入軍臺驛站。於倒斃馬價內扣抵。廩給羊隻。亦一并歸於軍臺。○又議準。喜峯口內站驛馬六十匹。殺虎口內站驛馬四十匹。獨石口內站驛馬四十九匹。古北口內站驛馬二十五匹。獨張家口邊內。內站驛馬數至百匹。應裁減四十匹。並將馬夫裁去。此項裁減馬匹。歸於倒斃馬價內扣抵。○七年議準。殺虎口獨石口。

古北口喜峯口等邊驛站馬匹四分倒斃之例。應照軍臺馬匹一體減去二分。若遇雪霰過多之年，倒斃較甚者，管驛官據實報院，再為辦理。○九年覆準，見值軍興，阿爾臺路軍臺驛遞甚繁，每年二分倒斃，實屬不敷，應復四分之例。駝價亦應照舊例，每駝給價銀三十兩。俟事簡價平之時，再行覈減。○十年議準，歸化城及殺虎口等四處地方，為來往通衢，見值軍興，應將八十家、二十家、薩里沁、歸化城四站，並殺虎口、獨石口、古北口、喜峯口等四路驛站，仍照從前四

分倒斃之例，支給錢糧。○乾隆元年議準，軍臺驛站倒斃馬匹，應於六月起減去一分，作為三分給價。其殺虎口、獨石口、古北口、喜峯口等四路蒙古驛站，亦應裁減一分。

一驛使，順治十三年題準，遣祭蒙古使臣，如程途本近，或時值夏秋，皆令自備鞍馬。如程途遙遠，及時值冬春，許乘驛馬。一品官給馬十有五匹，二品給十有二匹，三品給七匹，四品給六匹，筆帖式給四匹，領催給二匹，兵丁給一匹。○又題準，達賴喇嘛來使暨子爵，給驛十有三匹，車

七輛男給驛馬十匹。車四。郎中員外郎給馬五匹。車二。筆帖式給馬三匹。車一。護軍領催各給馬三匹。每二人給車一。○康熙三年題準遣往會盟大臣隨行郎中員外郎共六人。主事一人。筆帖式七人。領催六人。帶帳房米糧在野外安營駐宿。尚書侍郎等各帶本職執事。尚書給馬二十匹。駝七。侍郎給馬十有八匹。駝六。郎中給馬八匹。駝二。員外郎。主事各給馬七匹。駝二。八九品筆帖式給馬六匹。未入流筆帖式五匹。領催三匹。兵丁一匹。○又題準凡差遣筆帖式不

準給信牌。如衙門官員乏人止遣筆帖式者題請給與。○九年題準凡奉

旨特遣及本院往各旗編傳事務緊急差遣或巡察卡倫送

詔等事自內地馳驛外仍給信牌許乘邊外驛馬如往會所經之旗地方遙遠亦給信牌乘邊外驛馬餘惟遣往扎賴特杜爾伯特郭爾羅斯席伯索倫達虎里寧古塔瓜爾察等處者給本院印文照內地所乘驛馬之數乘邊外驛馬其遣往科爾沁烏珠穆秦蒿齊忒吳喇忒鄂爾多斯等

處者冬春給院文乘邊外驛馬夏秋自備馬匹遣往喀喇沁土默特敖漢翁牛特奈曼巴林扎魯特克西克騰蘇尼特阿祿科爾沁喀爾喀左右翼阿霸垓阿霸哈納爾四子部落毛明安歸化城

盛京西勒圖庫倫等處者概令自備馬匹○十七年題準往會自備馬匹仍各給信牌印文以備急事驅馳○三十年覆準蒙古驛站差務繁多嗣後除奉緊要事件外凡封王致祭審理事務察點為羣

馬誤為
下
未了
以

一應尋常事件均彙集一年兩次於四九月間差往均令由山海關出奉天法庫邊門不許概乘度冬馬匹宰殺孳生羊隻如敢浮斂勒索令該扎薩克舉報到院係官員筆帖式革職係領催挈送刑部如筆帖式領催等私行騷擾官員察舉者免議失察一并議處若冒稱公差勒索馬匹財帛者交刑部從重治罪○三十一年議準各扎薩克一應公務皆準馳驛私事勿得擅用○三十二年覆準喜峰口等五路驛站設立驛車惟進貢及要差方準應付其餘勿得濫給

處者冬春給院文。乘邊外驛馬。夏秋自備馬匹。遣往喀喇沁。土默特。敖漢。翁牛特。奈曼。巴林。扎魯特。克西克騰。蘇尼特。阿祿科爾沁。喀爾喀。左右翼。阿霸垓。阿霸哈納爾。四子部落。毛明安。歸化城。

盛京西勒圖庫倫等處者。概令自備馬匹。○十七年題準。往會自備馬匹。仍各給信牌印文。以備急事驅馳。三十年覆準。蒙古驛站差務繁多。嗣後除奉

欽差緊要事件外。凡封王。致祭。審理事務。察點為羣。

一應尋常事件。均彙集一年兩次。於四九月間差往。均令由山海關出奉天法庫邊門。不許概乘度冬馬匹。宰殺孳生羊隻。如敢浮斂勒索。令該扎薩克舉報到院。係官員筆帖式革職。係領催挈送刑部。如筆帖式領催等私行騷擾。官員察舉者免議。失察一并議處。若冒稱公差。勒索馬匹財帛者。交刑部從重治罪。○三十一年議準。各扎薩克一應公務。皆準馳驛。私事勿得擅用。○三十二年覆準。喜峰口等五路驛站。設立驛車。惟進貢及要差。方準應付。其餘勿得濫給。

○三十六年覆準驛站苦累蒙古。嗣後特旨奉差。仍準馳驛外。各項事務。停其馳驛。將內八旗各佐領下餽養馬匹。仍照兵部所定驛馬之數給與。並量地遠近。給與月糧。令依蒙古定價。買羊食用。所差蒙古地方。多無房舍。止宿帳房。恐其游牧遷移。奉差人不知所在。每宿處。令蒙古人等。即將站道相連之處。明白指示其所乘馬匹。差還之日。按數交還。如有倒斃遺失。著落賠償。○六十年題準。從前種地農具。送至屯兵地方。均交山西巡撫。由歸化城雇覓駝車轉送。

嗣後凡解送各項。自京馳驛運至口外。仍交山西巡撫。動用大同府庫銀。雇覓車馬。運至屯兵之處。○雍正八年

諭。前往冊封蒙古王妃郡主之官員。每路六人。未免太多。或讀講學士。或侍讀侍講。點出三人。司官三人。筆帖式三人。著分為三路前往。皆賞給盤費銀。路用馬匹。如何辦給之處。爾等會同理藩院議奏。欽此。隨經大學士等會同議準。自康熙九年。至三十五年。冊封蒙古王妃郡主等事。均係口內乘驛。口外騎烏拉。後因軍興。於康熙三十六年。停止驛馬。

路遠及所至旗分多者將內八旗各佐領下餵養官馬輪流騎行近口居住之內扎薩克止一二旗者令騎本人馬匹前往自裁驛以來辦理無異今前往冊封王妃郡主之地方將內扎薩克及卡倫外喀爾喀和托輝特厄魯特等部落共分為三路仍照舊例酌量給與驛馬每路各委部院司官二人筆帖式一人每人日給盤費銀各一錢三分永著為例○十三年定嗣後特旨差遣者照例馳驛尋常祭祀前往等差遣出大臣侍衛官員在千里之內者照常乘官馬千里

之外者乘驛馬按喀爾喀各扎薩克及科爾沁六旗郭爾羅斯二旗扎賴特杜爾伯特奈曼教漢土默特貝勒等五旗巴林二旗烏珠穆秦二旗扎魯特二旗阿祿科爾沁一旗蒿齊忒一旗阿霸垓二旗阿霸哈納爾二旗蘇尼特二旗喀爾喀右翼一旗毛明安一旗吳喇忒三旗鄂爾多斯七旗歸化城二旗以上均離京千里之外喀喇沁三旗土默特貝子一旗翁牛特二旗四子部落克西克騰喀爾喀左翼一旗以上均離京千里之內

一供應。順治十三年題準。本院官員領催等於十月至三月。差往蒙古地方。自備馬匹者。準給口糧草料。往張家口。遞送喀爾喀。厄魯特。及喜峰口。獨石口。古北口等處。差遣。準給口糧馬草。○四月至九月。止給口糧。不給馬草。○康熙三十年覆準。蒙古部落。照本院所發印文。供應差馬。餼羊。不許規避。如不供應差馬者。罰牲畜三九。不供應餼羊者。罰牛一頭。其歸順之喀爾喀。有雜處四十九旗地方者。相其居處。與何旗相近。亦照該旗定例應付。違者。照前例罰之。如奉差

人員勒索擾害。亦令舉報到院。○三十一年議準。喜峰口等五路差使。較黑龍江尤繁。應給各驛買補供應羊價銀五十兩。○三十八年覆準。蒙古各驛。所定公用羊百隻。給價銀五十兩。應裁減四十隻。以六十隻為額。每羊增價二錢。以七錢為度。每驛各給羊價銀四十二兩。該管官將各驛用過羊數。造冊報院。餘銀仍歸次年之用。○四十四年覆準。蒙古等每有公務。皆於佐領下分撥供給。原非奏定之例。屬下人甚為苦累。理合禁止。嗣後各扎薩克等。將各旗所有罪

罰牲畜。存貯於該扎薩克處。勿令倒斃。預備公務支用。○五十九年題準。喀爾喀地方驛站。數年軍務往來。甚多擾累。嗣後差遣大臣官員。及坐臺官員。并部院官員筆帖式領催等。行文該將軍。均用營中軍需。照品級給與行糧。其取索喀爾喀食用之例。永著停止。○雍正元年

諭。理藩院人員來往蒙古地方。有不肖之徒。肆行無禮。

勒索凌虐者。夫蒙古之與中國。不但伊扎薩克王。即台吉亦係賓客。豈可令卑末領催。肆行凌虐。爾衙門嚴行申禁。欽此。

一開採。康熙五十一年覆準。喀喇沁楊樹溝。雅圖溝。大波羅樹等處產鉛。察明地方。準令開鑛。屬內地者。準民人開採。屬蒙古地者。準蒙古開採。戶部及本院各委賢能司官一人監視。其所定課。即令每年納鉛。交入錢局。但不許造房種地。致滋事端。○五十六年覆準。翁牛特。巴林。克西克騰。交界地方樹木。行文三旗。各令本旗協理台吉都統副都統等。公同驗勘。分為三分。明立界限。如有越界斫伐樹木者。治罪。將分定界限。令各旗繕造印簿。送院備考。○六十一年奏

準喜峰口雅圖溝廟兒嶺。白馬川等處產鉛。委內務府部院司官各一人。會同斫木人等開採。○雍正元年奏準。見在各處之鑛。皆令封禁。雅圖溝等處鉛鑛。一體禁止開採。一貢貂。

國初定。索倫達虎里。及鄂倫椿必拉爾人丁。進貢貂皮。除有事故者開除外。將見年實在人丁。每丁貢貂皮一張。此內一等貂皮五百張。二等貂皮千張。其餘均作三等收用。如足數目。符等次者。送來之人。照例賞賜。不足不符者。交院議處。

副管罰牲畜二九。佐領罰一九。驍騎校罰五。各入官。○康熙三十一年奏準。每年進貢貂皮。上等者五百張。內多則十餘張。少或二三張。不符等次。若將該總管等一例議處。無以勸懲。嗣後於進貢貂皮時。詳明注冊。所補貂皮好者。副管佐領驍騎校等。免其議處。再貂皮額數。欠至百張以上者。將副管等議處。如欠百張以下。從寬免議。至次年進貢。仍不足額。或貂皮不好者。題叅治罪。○三十四年

諭。貂皮等次不及者。責在官員。著停止官員賞賜。其同

來之二等三等人員。仍照常例賞賜。欽此。○又

諭。雅克薩等處原出產美貂。年來打捕漸至稀少。倘以貂皮不及等次。仍行議處。則官員徒多受累。而貂皮仍無從得其佳者。嗣後官貂如已足數。而等次不及者。著免議。欽此。○三十五年議準。數年來送到貂皮

雖在多獲之年。仍有不符等次者。嗣後採捕時。仍照常管束督催。甫及下山。即將各佐領下所得貂皮數目。分記皮色。一同收貯。俟進貂時。按前所記數目皮色。選擇一等者五百張。二等者千張。其餘均作為三等。按本年丁數。令其交足。

仍鈐蓋一二三等圖記。以杜抵換。貢到之日。由院轉咨戶部。會同內務府察收。



